

B. N. C.  
FIRENZE  
1001  
5

1001.5



IXE. NAST.  
CDV. SARCM.

PETRI NASTVRTII  
IVDICIVM  
DE  
IVDICIIIS,

QUÆ  
IN NOVISSIMOS CIVILIS  
PRUDENTIÆ SCRIPTORES

EXERCERE VOLUIT  
EVB. THE. SARCMASIVS.  
ACCESSERUNT DUÆ EPISTOLÆ EJUS-  
DEM ARGUMENTI,

---

COLONIÆ,  
M DC LXIX.



STANLEY  
M.D.  
M.D.  
M.D.

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

THE UNIVERSITY OF CHICAGO

CHICAGO, ILL.

1901

Q. B. F. F. Q. S.

**P** Rincipio scias velim, cordate lector, quicquid hujus est quod legis, non jure tantum, sed & optimo scriptum esse. Etenim non solum pietate & ulu publico flagitante, ut propediem perdisces; sed & cum bona venia superioris, & cujus interest maxime, scriptum est. Non eam judicandi potestatem nobis sumimus, ut quidam, sed accepimus. Quippe licentiam fecit is ipse scriptor, de quo scribimus, sicut ille de scriptoribus scripsit; vir hercule magnus atque prudens, ut qui *Enbuli* nomen sibi vindicet, idemque summus rei literariz h. t. arbiter. Nec exemplo tantum fecit (quamvis hoc utique sufficeret) sed etiam disertis verbis. Ecce summam privilegii: *Non refragabor, inquit, nec me angat, si eadem in me, qua ego in ipsos, censoria uti virgula ceperint.* O virum æquum & fortem! o modestiam insperatam! Subjicit se censuræ censor, & magister virgæ. Ecquis iam dubitet, citra ullam injuriam (quippe quam detestatur læsos, quos læserit? cum & ipse notam censoriam haud refugiat. Quis enim neget, merito passurum colaphos honestum virum, si & nebulo (immo vir, inquam, honestior) pati sit paratus?

Equidem sunt qui putent, miram hominis sagacitatem providisse, quam sir lara facti consequentia, & metuisse suum exemplum: cum præsertim nemo justius pertimescat tempestatem, quam qui concitavit. Neque enim commissuros viros doctos, ut inaudiri ac indefensi ex arbitrio calonis perire, & vivi videntesque exenterari impune velint. Igitur ne imprudenti dolentique accidere videretur, quod conscientia denuntiabat, ultre largitum, quod prohibere nullo jure poterat. Emunivisse tamen opus, antepositis vocabulorum prodigiis, ut *Albipoli*, ut *Sarchmassio*, ut *Theosdato*: quorum formidabili aspectu statim à limine doctiores rejiceret. O Jupiter centumpeda, quanti est sapere? Aliis è diverso pignus hoc videtur hominis vel stolidissimi, vel

longe impudentissimi, vappæ quidem extra controversiam. Quæ-  
re enim, si noluerit latere, tantum adierit famæ periculum, ultra  
arrogantem libertatem sæpe præcax, & quamvis sub diversa specie  
malignus Zoilus? Sin voluerit, ut quidem simulet, cur tam sen-  
tentiose suam inculcet mansuetudinem? ut si quis prædo profu-  
giat--- *ultra Garamantas & Indos*, relictis post se literis, ad eundem  
in jus se quidem paratissimum. Aut cur non accuratius saltem  
fefellerit? Nam & illis ipsis vocabulis, quæ pro larvâ sibi ut plane  
convenientia induat, suo & loci nomini alludere videri; & plura  
vestigia, per ipsum opus, ad belluæ speluncam ducere. At non  
Cacum, qui similiter truciore incendia vomuerit, eo dementiæ  
progressum: cuius astu versis viarum indicia,

*Quærentem nulla ad speluncam signa ferebant.*

Immo scriptoris verum nomen prope citius aures, quam scriptu-  
ram febricitantem oculos subiisse. Quibus rebus quid aliud,  
quam vel hirsutas & æquo longiores auriculas nudari, vel infamiam  
(*cujus apud prodigos*, ut ille ait, *novissima voluptas est*, & cu-  
jus laudem olim quidam scripsisse memoratur) ultro affectari?  
Nec eam tamen fortassis absque omni gloria creditam fore: qua-  
tenus, si quid in ipsum ederetur, jactare posset, sibi id datum, &  
se dignum habitum, in quo viri docti molarem frangerent. An  
eo factum, quoniam, ut Vitellius dicebat, *id est tam prædiorum ipsorum  
dulciora furtiva cum periculo conjuncta*? Ideo forte locum Velleja-  
num chartæ Volusianæ titulo, quasi per ludibrium & lasciviam,  
allitum, *Vivorum ut magna admiratio, ita censura difficilis est*.  
Nam hunc locum, hoc exemplum, quod facile quemvis sanum  
permoveret, cur non menti potius, quam paginæ, inscripserit?  
cur aperte damnaverit tam grave præjudicium? Promissam certe  
censuram de musteis nostris scriptoribus. Quid commerita ve-  
tustas quoque in hunc reorum censum veniat? Equidem Velle-  
jum huius Aristarchi conatui in tantum adversari, ut nec de-  
functos ævi sui scriptores Principes, nisi timide, laudet, cum pro-  
œmio, *Pane stulta est inherentium oculis ingeniorum enumeratio*.  
Quid judicasse censet de enumeratione hominum corporeis  
oculis inherentium? Vbi ergo illum, qui tam animose scrip-  
serit, *nullam esse rationem*, quæ id, vel eo deteriora, prohibeat?

Sed



Sed quò tam scrupulose, amabo, ineptiæ? Nón est dictato-  
ris nostri bonitate per malam gratiam abutendum. Exerceri  
in se, quæ prior in alios meliori jure statuerat, vir optime sibi  
consciis sane patitur, permittit, monet, cogit. Sed non vides.  
Iusce, cum passim, tum in ipso argumento, prudentissimam ho-  
minis moderationem, & humanitatem singularis prorsus exem-  
pli? eandem scilicet ab aliis expectat, orat. Quanquam, ut idem  
Vellejus alio loco notanter ait, *Exempla non ibi consistunt, unde  
ceperunt, sed quamlibet intennem recepta tramitem, lassissime eva-  
gandi sibi viam faciunt: Et ubi semel recto deerratum est, in præcep-  
ta pervenitur.* Nos tamen, ne inimicum nobis faciamus tantum  
magistellum, concessio jure parcius utemur. Breviores erimus  
modestioresque, quam necesse est: ac ne eam quidem potestatem,  
quam ipse offert, totam usurpabimus. Non tangemus personam,  
& præsentiam famæ derogantem, aut vitia occulta, dubia, tanti  
non futura, ad rem nihil pertinentia: intra limites rerum atque  
scripti, quod procurandum suscepimus, persistemus. Nec, quo  
veritas non pertingit, mendacio grassabimur, aut cum laude tri-  
buemus illi, quæ dixisse nusquam reperitur, & fors dicere nollit.  
Probabimus etiam, quæ dicemus: nec erit nobis voluntas pro ra-  
tione. Nam ut Resp. leges, sic Parnassus rationes, exigit. Atque  
in primis viri nomini, ipso vel invito, parcemus: licet ille, quos in  
ordinem redigit, diserte nominet, ac in medium longe recusan-  
tes protrahat. Id adeo nullâ æmulatione aut livore, puta ne af-  
fuetum tenebris nomen, & alto scholæ pulvere sepultum, eden-  
do illustretur; sed quoniam ipsi expedit. Nam verendum, ne,  
si in aperto jaceat, quis istos ludos dederit, aut quis ille homuncio,  
in tantos homines (quorum ipse magnitudinem & violentiam  
agnoscit) consurgere haud vereatur, & unus omnibus congregari,

*Ense levis nudo, parmaque inglorius alba;*

misellum obiter conculcent elidantque, ut leo ranam, aut Pyg-  
mæos Hercules. Non è re semper est *magnis inimicissis* velle *cla-  
rescere*. Quid quod (ut sunt ingenia) in illud nomen ejus, ubi  
primum audierint (modo linguâ tam spatiosâ & validâ utantur,  
us pronunciando sufficiant) frigida multa volent ludere.

Dignum esse patella operculum : apparere, natum plane hominem ad ineptias, & confusionum monstra, & culinam potius quam museum : & alia his, credo, inficetiora. Breviter, lateant, quæ latent. *Bene qui latuit, bene vixit.* Quod haud falso jactari, Sarcasinus Cenfor multis jam persuadet.

Et quoniam videmus, totam natiâ in duas partes discedere, in ea quibus certos *scriptores* videtur ornare vel purgare, & in ea quibus collutulat ornatos; *regis ad exemplum* nos quoque & laudes ipsius, & vitia lustrabimus. In laude ponimus, quod fatetur, nullo odio, vel *suspensione odij*, adductum, ut scriptoribus rerum civilium stigmata imponeret, simulque ipsorum controverſiam unam & alteram obiter definiret. Quid enim cauſæ, cur odisset, incognitos sibi plerunque, aut cognitos certe beneficio? A more scilicet potius tantorum hominum, & sapientiæ civilis, quo magis hæc in posterum excoleretur, talia coactum edidisse, credibile est. Deinde testatur, nec *invidia emulatione*, nec *cupidine ambitionis* (quæ est Tulliana hominis facundia) se cenforium hoc tribunal occupasse. Nam & horum causas procul habet. Nec invidet, nec invidetur. Nec invidia statim est, uno & altero modo viris præaltis detrahere, & castigare luxuriantem famam, dummodo vicissim aliquid stultitiæ tuæ illis addas: nec videtur ambitio, invadere eorum locum, & judicis in judices munus. Quid ergo? ad divinas causas, puto respiciendum est. Biceps Parnassus cogitandus, in quo somniasse se noster somniavit. Inspiratum à Numine tam probum atque felix consilium; ab eo scilicet, quod solet talia, ab *sapientia satyrica arbitro*, *Apolline*. Nam ad hujus sacramentum noster transit: ut intelligas, cum se *Theofdatum* (ex *Theofoto* corruptum) Græculus appellat, cujus Dei munus admiratorque haberi postulet. Sed adulatorie forsan, certe poetice, hoc decet accipi. Eruditio quippe nimia, & profunda sapientiæ vorago, expressit homini, quod fecit. Omnes ita crederent, nisi ipse reclamaret. Eas enim partes sibi impossitas narrat ab Apolline, *quas sapientissimus quisque, ut opinatur, delinaret.* Quam bene verò fecisset, si suo judicio esset usus! (Nam cum postea dicit, *nullam rationem talia prohibere*, alienum scilicet

judicium

judicium sequitur.) Nunc & Apollinem, talia per somnium mandantem, quæ sapientissimus quisque declinaret, & Scribam ejus, in talibus superstitiose obsequentem, amore scilicet *parendi* (servum naturâ diceret Philosophus) stultum videri necesse est: & emergit tandem genuina hujus incepti causa, ingenii clauditas. Quorum omnium confessio, nec extorta, nec contorta, certe ingenui hominis argumentum est. Et hoc unum in Saturio nostro laude dignum repperi.

Ad vitia pergenti, ingens aperitur spatium. Sed in angustum contrahendus est sermo, & per saturam quædam (pace tamen viri, quem nollem offendere) representanda. Primum ac præcipuum, quod in tanto critico desideratur, est judicium acre, firmum, & exactum, in scriptoribus colligendis, distinguendis, comparandis, collocandis. Heu quam ægris oculis, si non felicitatem illorum, certe cutem introspicit, ex libris perfunctorie lectis, ex rumusculis temere collectis! Reticet memoranda, ut aliena, reticenda memorat cumulatque. Quæ facile omnes sciunt, aut non curant, inculcantur sedulo: de ulterioribus per omnia & singula altum silentium. Nonnulla excerpuntur tantum, & excerpando polluuntur. Scilicet tuta umbracula & *secessum* amat: & si quando evchi cogitationes suas inconditas jubet, tam confuse, prave, immature, absurde, & inique fere sentit, ut antiquum illud judicium reddi putes, quod factum est de cantu cuculi & lusciniæ, prætoris asino. Immo, ne quod sanæ mentis vestigium appareat, secum ipse præliatur. Videas concurrentes inter se Symplegadas, id est, orationem dantem, quod esset ademptura, ac reddentem, quod ademerat; denique, si proprius consideres, viros indubitate summos doctorum numero prorsus excerpentem, ut nugatoribus & commentariensibus inserat. Analyticâ demonstratione hæc & multo plura firmari singularim possent, si hoc quidem æquor ingredi placeret. Et præterea nos non sumus Apollini à secretis: nec Minerva nobis dixit in aurem, quæ imperatura esset scripto publicare. Liceat aliquid Sarcasmis quod hominibus de plebe & junioribus Sapientiæ alumnis non licet. Interim caute ac pie fecerit, qui nihil hodie ei crediderit. Non est

est enim opus ; ut Apollineis vatibus habeatur fides.

Illud exquirere fas sit, cur omnino, vel ex qualibet occasione, & privati & publici scriptores juris, non secus ac politici, ob torto collo trahantur? cur Monzambano locus in hoc ordine, & mox alius Puffendorffio, ceu diversis, datâ operâ tribuatur? an ut latior esset sævitæ campus? an civilis forte sapientia, & prudentia legum, & doctrina juris universalis, & notitia status Germanici, & historia, & aliæ quoque disciplinæ remotiores, sublato pariete intergerino, idem pulvis factæ sunt? Certe (regrediamur modò in memoriam) *judicia de civilis prudentia scriptoribus*, non plus minusve, sunt recepta. Jam vero, *esse quid hoc dicam*, quod iudicia de scriptoribus minatus, prout dictum, vitas quandoque textit, è critico repente historicus, interdum & hariolus? & quid non? vel quod de iisdem narrans, quæ in aliis disciplinis essent conati, bene aut secus, mox cum de *Dissertationibus Politicis* disserendum, quod tantâ patientiâ expectabatur, improvise receptui canit, *seque ex oculis avertit & aufert?* ut si quis pollicitus de Metaphysicis iudicium, multus esset in percensendo, quæ in Logicis, Physicis, alis, varii doctores prodidissent; ubi vero ad Metaphysicâ & apicem votorum ventum, revocaret eum intempestivâ malignitate — nunc augur Apollo,

Nunc Lyciæ sortes, nunc & Jove missus ab ipso

Interpres divum, — — —

ut sola remanerent aliena. Sic deludenti corvi hiantes. Erat & curiosus quidam, qui explicatum sibi vellet à scriptorum novissimo, quor annorum ambitus scriptores *novissimos*, quive regionis tractus *domesticos*, & an solos vivos, seclusis, mortuis, comprehendere deberet: ut sciretur, an neminem præteriret vel intruderet censura egregia (sicut multa ex præsentium scriptis essent præterita, multa infracta) an item per occasionem tantum, an seorsum & iusto loco fuerit tradendus & quæ sunt similia?

*Perge ira perge: & magna meditantem opprime.*

Qui cum fateatur, literatorem à prudente, scholam à vitæ negotiis differre, quæ (malum) intemperit, ut à schola literator de prudentibus rebusque civilibus judicare sub formula ausit? ut  
qui

qui ista legat, clausis naribus, asselam quendam aulæ promissæ credat. Si pro deridiculo illi est, Theologus Politicum referens, cur refert? Si criticum genus tincis & blattis laborat, non bono publico, ut clare rudis, cur tanta gaudia tincis affert? cur se toties sub aliis nominibus crudelis tancinat? cur otio & literis abutitur, & officii fines transilit? An hæc præcipit Theologia, & qua ille gloriatur, conscientia? Longè alia quidem tradunt libri vaticini, si quis esset qui curaret: & ipse ex medio legum civilium, nescio quo suggerente, *Culpa est immiscere se rei ad se non pertinenti*. Si quem vel concessæ dotes, vel muneris ratio, vel imperium principale, ad scribendum invitat, obsecro, quid id ad Magnum Moscoviæ Ducem? An hoc de illo merita est regina artium, prudentiæ civilis, & quid ea optime meriti? his laureis, his statuis decorantur? his excitantur stimulis? An ideo divinitus nobis contigerunt disciplinæ, ac dotes eximix, ut Sarcasmii, & hoc exemplo aliorum, immundo contactui pateant, ac deinceps in cautis æmulisque, & præsertim auditoribus (pronis enim auribus talia accipiuntur, etiam à melioribus & gnaris, & insatuari multis dulce est) ludibrium debeant? ut inter viros doctos invidiosâ comparatione discordiarum & irarum semina jaciantur? Equidem augurari cogor, ni mature occurratur malo, à Politicis ad Theologos (uti sane coepit) vel potius à Politica ad Theologiam, & quicquid sancti eximique habent literæ, contagium pervasurum: *ne videlicet vel domi vel foris, quicquam huic fortis se exemptum possit gloriari*. Neque enim tam Politicorum, quam Politices certe jugulum petit, doctoribus ejus, summis infimis, promiscue notâ publicâ insigniendis?

— — & quisquam numen Junonis adoret

Præterea? aut supplex aris imponat honorem?

Quis virorum, non dubie literatissimorum, usus est unquam simili licentia? Neme celes, quæso. An, quia novam, ideo & bonam credimus? Satis foret immodestiæ, si cui simili privatum & absque fannis talia aliqua exciderent. At hic bonæ famæ sicarius (præcor, Domine, ignoscas verbo: commorat me non-nihil, quod eam popularibus sortem objecisse te crepas, quam effugere sit gloria) hic, inquam, bonus vir disseminat voce pub-

licet, præconis instar, ut omnes à furno redeuntes sciant, & quidem scripto, ut memoria maneat, *si qua fata sinant*, & censuræ jungit satyram. De Monzambano censet (rationem non quæro) satyram palmâ ipsum fraudasse, quam ex *novitiis* ingentem ferre potuisset. Itane de Satyra tu censet in satyra? sed hoc non est mirum, quia tu es magnum virum.

Parum dixi: & censurâ & satyrâ pejus quiddam inventum est. Nam censura, optimis ac peritissimis in rep. debitum munus, & à rep. in subiectos rite conferendum, discernit homines. Laborantes famâ varie castigat, florentibus parcit, in eosque plane cessat. Ac hic tyrannus, ipsius iudicio probatissimis notam censoriam inurit, & acrius quam aliis incumbit: & quamvis ea, quæ iudicat vitiosa, *santi non sint*, ut propterea summam in rebus civilibus partem famam suggillare cuicumque integrum sit; tamen, quasi esset integrum, credo veritus ne palpari videretur, si non flagellaret, profert ac suggillat; causatus etiam, *nostrisæculi more* id fieri. Mentiat, si non fas & pudor & nomen & conscientia merus Theosdoto ludus sunt. Ecce, defunctorum manibus parcendum putat, qui nihil sentiunt, de quibus iudicia vulgari non omnino moribus adversatur: ideo haud parcendum vivis, qui sentiunt. Nec defunctis tamen aliter, quam vivis parcit; ea deligens, de quibus haud sane gloriantur, & mox, consumptâ libidine, pius ac sententiosus. Quid tibi videtur de istoc homine? Necdum satis: copulandi erant (nam institutum suum, ne falleremur, ipse enuntiavit) Caroni Satyri, novâ & egregiâ mixturâ. Speculabimur tamen paullisper, si molestum non est, quam belle saltent isti Satyri. Jam primum Satyra, ridens verum dicit: noster fingit sibi vitia, & semet aliis ridendum bibendumque propinat. Dicit (qui vult audire, quod omnes Plautinos sales superet, auscultet) dicit, defendisse eum, jus faciendi homines proprios (tanquam id in lite fuisset) cuius *vindicias* secundum libertatem quorundam, & quidem *vindicatas*, ipse in margine nominat; ut inde colligat factum odiosum. O Satyristam! Quid respondebit viro, de impacto sibi præfarcationis crimine conquesturo? & quid illi alteri, qui huiusmodi ius defendit? & quid illi quoque, cuius causam in defen-

foris



foris reprehensione Sarcasmus damnavit? Nimirum Jovem lapidem iurabit, nunquam se vidisse scripta illa. Sic judicandum Apollinis afflatu de scriptoribus, simulque de principibus maximis. Porro satyræ certus & utilis finis preponitur & custoditur: huius satyræ nulla apparet ratio, nullus certus tenor. Quin deterret potius à civilis prudentiæ culturâ, quàm allicit, quod deberet:

— — — *ut pueris olim dant crustula blandi*

*Doctores, elementa velint ut discere prima.*

Lucillius, & huic affines veteris comœdiæ scriptores,

*Si quis erat dignus describi, quod malus, aut fur,*

*Quod machus foret, aut sicarius, aut aliqui*

*Famosus, multa cum libertate notabant.*

Noster è contrario sapiculus

*Dat veniam corvis, vexat censura columbas.*

Lucillius, Horatio laudante, erat numerus facetus, & amundana narrans. Per fidem, quisquis intellectu vales, miserere inscitæ nostræ, & in Sarcasmi satyræ vel micæ fabis iudicii que ostende. Satyræ non professo impetu, & nudo velut capite, nec in quo suis, incurrit: nec una strage totum aliquem reip. ordinem involuit: non inhiat vitiis mediocribus & paucis: immo id ipsum vitium erit, pro conditione mortalium, si, ut Flaccus quoque sensit, princeps satyræ,

*Egregio inperfos reprehendas corpore novos.*

Nam quis sic reprehendenti satis credat? deteriori de meliore? Atque adeo Varios, Virgilios, Octavios, pura fide laudat, absque labis aspergine, haud ignorans, quædam in sese deformia, in certis corporibus servire formæ. Sunt &, quos vereatur, quibus aridere, & pacem pro virili sartam testam velit. Denique, ne confundas satyræ cum famoso carmine, Satyricus est, *si quis*

*Opprobriis dignum laceraverit, integer ipse,*

& si vitia magis quam homines sibi proponat. Quæ omnia, nulli inficianda, quam generose contemserit meus homo, palam est. Cumque & in honestatem, & in utilitatem, & facultatem maxime, toties in hoc negotio caput inpingat, ac plane frangat;

tamen, ubi spiritum collegit, Nulla, inquit, ratio est, quæ talia prohibeat: sic enim certe opinor. Et tamen multo peiora in animo retinuit, quam evomuit. *Nefas est*, ait, *omnia quæ sententiam loqui.*

At enim *amarus cibus est veritas*. Idcirco eam loqui nefas? Deinde, cur usque eo, & paulum alias, cibum ita amarum apponis? aut cur *studio veritatis* iudicia illa tua imputari vis? Quod ne diutius mihi ingeras, tuis tibi verbis respondeo, tibi, inquam: *Pau-*  
*ciissimi veritatem capiunt, pauci capiunt, plurimi oderunt.* At enim *in libera literatorum Rep. liberae linguas esse oportere*, scribit *Suetonius in Augusto*. Equidem ego ita me hæcenus instruxeram, ut quasi cum olente scholam, & firma ratione destitutum, agerem. Nunc, quia tantâ insurgit ratione, & temp. literaturæ miscet, — *paulo maiora canamus*. Primum omnium, codex meus nihil habet de Rep. Literatorum: nec Augusto, sed Tiberio tyranno (cap. XXVIII.) ejusmodi dictum tribuit. Papæ, mi homo, ubi erat mens tua & Apollo, cum hæc scriberes? Dic vero sodes, cur & historicos contaminas? cur das, adimis, mutas, uris, secas, ad libitum? Sed hoc non est mirum, quia tu es magnum virum. Nec tamen exposui, quam scite *Tacitum* (ut legisse videretur) testem laudaverit. Interim (quo magis intelligat, cur secum habitare debuerit) esto, dixerit tale quippiam aut cerre fecerit Augustus apud Suetonium. An hoc dicto legem præscripsit, ut omnis arcani violatio, omnis omnium reprehensio, dum verum dicas aut credas, permissa sit? ut omnia linguæ peccata tollerantur, excepto mendacio? etiam in iudicio conscientie? ut censuræ munus sit promiscuum, id est, nullum? Non ergo sentit pecus, quo sensu dictum id, civilitatis simulans, accipiendum? Non legit in Tacito suo, *quamvis egregiis imperatoribus modum libertatis placere*? Nam & in rep. liberrima, & literaria, non cuivis quævis dicere, ne dum scribere, fas est aut decorum. Aliter quid opus legibus & institutis? Ponenda est libertas, quæ stet cum republica, non quæ eam tollat. Sed nempe *libertas & speciosa nominapratexuntur: nec quisquam alienum servitium, & dominationem sibi concupivit, ut non eadem ista vocabula usurparet.* Ac falso *libertatis* vocabulum ostenditur ab iis, qui privatim dege-



neres, in publicum exitiosi, nihil spei nisi per discordias habent. Jactavit olim musca:

*In capite regis sedeo, cum visum est mihi.*

Sed quid ad hoc formica?

*Superba jactas, tegere quod debet pudor.*

Atque ut musca non impune illud facit; sic præcepta legum & artium sui contemptum, Sarcasmo teste, vindicant. Quid multa? interpretem dicto demus ipsum dicti authorem scriptoremque: *Adversus CONVITIA, malosq; rumores, & FAMOSA de se ac suis carmina, firmus ac patiens, subinde jactabat: in civitate libera linguam mentemq; liberam esse debere.* Annon ergo, si conveniens est hic locus, scriptum Sarcasmi convitium & famosum carmen credi necesse erit?

*Exequias Chremeti, quibus est commodum ire, hem tempus est.*

Nam quam prave & contra se ipsum vindicaverit sibi locum Chremeti Terentiani, *Homo sum, humani nihil à me alienum puto,* nil profus dicere attinet. Satis est semel, studio prope nimio, Chremeti exequias ivisse. Adhuc ergo nihil rationis in ejus scripto conspicitur.

Quid igitur tandem de foetu isto, sic jam deplumato, judicabimus? quod nomen quamve sortem ei assignabimus? Judicialii, quod volent: laudent etiam per me, qui nihil vident. Ego non possum amplius dubitare, esse malum quiddam, & portentosum, & famosum omnino carmen liberali facie (non, quod author obtendit, *animo*) eoque deterius, & ad minimum bestiis objiendum, blattis ac tineis, ex lege nostri Lycurgi. Qui rectius sane fecisset, si loco laboris hujus, utiq; non necessarij, quemq; à Germano profectū haudquaquam confitendum est, vel cucurbitas pinxisset. Adeone trita jam omnia & exculta, ut nihil vel in sacris, vel (quoniam huc propendet curiositas) in civilibus hiet, quod impleri desideret? unicum hoc argumentum satyricæ sapientiæ superfuit? Sed cui hæc dico? aut cur levissimæ scripturæ excutiendæ tantum chartæ & temporis infumo? Age ergo, Satyrisce, ad te nunc convertor. *Quo diversus abis?* Siste fugam, inquam, & percipe, quid loquar. Si quis Stereometriæ imperi-

ritissimus, in complurium civium honestissimorum cellas petulante vi irrumpat, & quantum vini ac cerevisiæ doliis contineatur, digito metiri tentet, inde in forum ruens, de opibus ac penuriâ cuiusque pari maledicentiâ publice declamitet; an injuriam, quæso, credis accepturum, si abstractus foro digne multetur, & aliis exemplum fiat? Quandoquidem igitur censoria mihi munia in te concedis, qui simillima commisisti; **BONUM FACTUM**, meritâ ignominia, quam aliis intentaveras, te noto, Senatu & Consulatu Reip. Literarum quem per furem invasisti te moveo, &

*Discipulorum inter jubeo plorare cathedras,*  
 silentium deinceps perpetuum in his atque talibus serio tibi injungo. Si recalcitaveris, alia graviore poenæ, in Imperio receptæ & sancitæ, te docebunt, quænam lex talia prohibeat: & larva simul atque pellis, sicut Marsiæ, tibi detrahetur. Dixi.

F I N I S.

## EPISTOLA I.

*Ad Generosissimum D. B. P. F*

**Q**uid rerum his locis geratur, ut strenue perscribam, soles mihi idem idem imperare. Substituam in meum locum, alium; qui hoc fungatur officio. Libellus enim, qui cum his literis ad Te venit, Cautius enarrabit jurgia Codri. Scripsit eum T. Antimorus, notus Tibi, nec ingratus amicus. Sarcasmus quid hominis sit, jam nosti. Communi L. & J. W. que elogio Schurzsficischius ille audit homo, vana opinione cruditionis infatuatus, ingenio maligno, & inter imperitos doctus, inter doctos stultus. Exempli pessimi facinus, quod instituit putant nonnulli, non sine occulta instigatione aliorum patratum. Sed nec instigatoribus quisquam sanus parvisset; & mihi parum credibile videtur, bonos magnosque viros tam fatuo impudentique scribendi genere ad alienam famam suggillandam uti voluisse. præcipuum sine dubio incitamentum homini fuit *Amor deſidia*, quam ipsi infatigabilem tribuunt. Si quid amplius scire cupis, non deerunt Tibi, quos illis locis habes, viri docti, & Tui amantissimi.

Vale. N. 28. Febr. 1669.

T. G.

obsequentissimus servus.

V. M. O.

Par.

## Parnassus infamis

**E**Volavit nuper ex Mysnia famosus libellus Schurzfleischij cujusdam, Corbacensis pridem extectoris, hominis revera studiosissime nequam; qui vanissimæ arrogantia & ambitioni explendæ, non aliud ad famam iter sibi patere existimavit, quam per infamiam illustrium virorum. quos licet in solidum ignoret, allatrare tamen constituit *Sarchasmus* ille Caninum sciendens, sive ut Atticæ elegantia specimine se vocat, *Sarchasmus*. Nam cætera nomina ascita, non magis ei conveniunt, quam Parnassi, Minervæ, Mercurij, Apollinis: quibus vocabulis, quæ aliàs significari solent, tam sunt Schurzfleischij ingenio apta, quam est Asino Lyra. Musæ albis accola, vestram fidem! Hercules tuam fidem! Estne apud vos Parnassus tam infamis: ut omnia studia & opera Parnasso tribui solita in contrarium illic verti, & in injuriam commutari, vobis inspecantibus, Germania sentiat? an ibi erigitur tribunal, in quo judex sine judicio, sine officio, sine jure, dente Theonino, vel utri per furorem, famam alienam lacent, & Saiyram scilicet moliat, omnis Satyricæ sapientiæ rudis & nescius? An Apollo vester asino exuvias leonis, aut morioni honestatis speciem imposuit; ut livorem & injurias pleno sacco, quasi sub titulo doctrinæ, & nobilis mandatis, longe lateque disseminaret? Magna fuit licentia, neque cuiquam bono absque discrimine probata, qua Icalus ille, miseram sibi denique ipsi perniciem attraxit. Sederat tamen in coingenium, erat peritiam rerum non exigua. At, qui vestro nomine in scenam prodit historio, omnium & rerum & hominum imperitia laborat, ut pudori vobis merito esse debeat, si nomen vestrum tam prodigiosè impostori accommodari sinitis. Quis vos aliquid divini habere ctedet, si contra omnis honestatis primas regulas, in eos, qui vos nulla injuria affecerunt, qui vos coluerunt, ornavuntque, quantum potuerunt, immittitis feram bestiam, veluti rabitum canem in gregem innocuum? Aut, si quis est in hoc tam atrociter quasi vestro jussu lætorum numero, qui vos prior læsit, quod non credo, an alii innocentes copulandi fuerunt? Quis in Parnasso vestro, aliis ruminibus, quam Contumeliæ, & Impudentiæ Sacra fieri putabit? si Apollo flagitia præcipiet & Sycophantas non sinit modo circa famam honestissimorum hominum vagari, sed jubebit? Non quidem *l. 5. C. de minus crimine, sive atrocium injuriarum judicio tenetur is, qui in justam accusationem invidet, qui adicit alium se hujusmodi facti mandatorem habuisse. Namque hoc casu, præter principalem reum, mandatorem quoque ex sua persona conveniri posse, ignotum non est.* Cum & de pauperie facta, dominus animalis noxi conveniatur Mallem omnia alia credere, quam hæc vestro auspicio facta. Sed excusare vos volenti reclamat proditor vester, idemque calumniator non minus Parnassi vestri, quam omnis boni moris, dum quæ maxime colitis illustria nomina, ultro suo facinori præscribit, ijsque tanquam

In Con-  
ring.

quam rem bene gestam approbare publice non veretur. De typis porro de loco impressionis, aliisque ad noticiam criminis pertinentibus, omnia tam sunt manifesta, ut valde verisimiliter noscantur, quibus sola spes & voluptas ex eo quæritur, quod livor & optimi cujusque obreptatio pronis apud vulgus auribus accipiuntur. Nomina invadit plura Schurzfleischij furor Criticus; sed Bœclero hoc super omnes eximium præstat, quod ab initio, & in medio, & ubique eum calumniatur. Permetra id quidem mendacia. Quid enim Bœclerus de *avi nostri Papyrio* identidem satis confidenter affirmaveris, sponcione certate ausim, si vel ipse Bœclerus sciat, vel ex ipso quisquam: nisi qui cum Schurzfleischio in Parnasso infami somniasse se, forte somniaverit. Non est parvus laudator omnium eruditorum Bœclerus: Sed in peregrinum & alienum habitum ejus verba detorquere, nemo sanus instituat. Sed *Conringius* scilicet non potuit laudari, nisi *Linneo*, *Goldsasto*, *Carpovio*, aliis convitium fieret. *Tabori* quoque, quamquam nondum mortuo leoni, lepus Albipolitanus, ut se vocat, insultat. Quantâ insaniâ! Res pridem sepultas, & longe alio quam furiosi calumniatoris tribunali dignas, ab orco, qui ipsi Parnassus est, revocari, Albipolis, ut Schurzfleischius promulgat, patitur, & typos cæteraque subministrat? Interea dum rictu canino pluribus inhiat Criticus furens, felicem se Conringium prædicare debet, quod dissertationes ejus politicas commentario prosequendi otium non invenit satagens Cynicus. Cave, mi Hermannæ *μὴ τὸ πλῆθος*. Quid enim moliatur hoc monstrum, vides, cum Apollinem agere incipit; qualia in *μανίᾳ* multa solent accidere: & *πολυπραγμοσύνη* Tibi, ac *impeccum erga innocentes*, verissima nimirum morbi sui nomina exprobrat. Aurigine infectis omnia flava apparent: phrenetici sui Ingenii notas in aliis se videre putant. Non possumus ergo Tibi gratulari, doctissime mi Hermannæ, quod tam brevi spatio defævit in Te hæc tempestas. Vides enim, non meritis Tuis parci, sed Stomacho Tuoqui *amarum veritatis cibum*, qualis ex culina secessus Albipolitani depromitur, concoquere nequeat.

Id Bœcler.

Tum & festinandum erat; quo rabies maior urfit. Nova enim & nemini visa aut comperta de Bœclero tradere instituit Judex Maniacus. Subodoratur sagacitate plusquam caninâ, ex Museo ejus rerum civilium *judicium* colligi posse. Quid ait Criticus? *judicium* de rebus civilibus sibi uni sumere, & aliquid tamen concedere alteri, non est ex majestate tribunalis censorii. Tum aliter utique sensit, quam Bœclerus. hic enim rerum vere actarum & dictarum in Museis incomparabilibus, magis extra quam intra Germaniam, historiam se inchoasse in Museo planis disertisque verbis testatus est; minime sibi in alios *judicium* sumisse. quæ de re tam non possunt dubitare illi, quæ aliquam literarum & literatorum noticiam habent, quam hæc, & omnem hominum rerumque statum ignorant; ita *ἐν τῇ αἰσθητικῇ*

vojas, quorum Schurzleischius hodie agmen ducit. Et tamen ex hoc mendacio (Bæclerus sibi in alios iudicium sumsit in Museo, tanquam ex facillimè nalcitur argumentum, quod tum quoque calumniosissimum esset, etiam si Bæclerus sibi sumisset in alios iudicium: Ergo Schurzleischio, hominè somnatori, Criticorum furiosissimo, licet in Bæclerum mendacia, convicia, injurias emovere. In qua republica ita argumentari licet, illa perdidit verarum vocabula & officia, oportet. Hem, si vis nebulonis nomen evadere, ostende ubi Bæclerus plus uni Grotio, quam omnibus Salmasio, plus uni Forstnero, quam omnibus Lipsio Gruterum vindicavit. An Bæclero, diversissima studia & laudes, omnia idem pulvis sunt? An is tot nominibus distinguenda elogia, more phrenetici tribunalis, in unam colluviem conjicit? Quis hoc unquam ex eo audivit? quis scribi pingive vidit? Quam risuisset vir suo merito in comparabilis, Forstnerus, si se Lipsio & Gruteris præponi comparative audivisset? Nam quid de *Ligatoribus* hisce & *Criticis*. Alinus prætor in Parnasso infamè iudicet, defensoribus horum facinorum expediendum relinqui par est. Compositæ togam, & paratæ assem. Novum Bæcleri crimen: *que in Tacitum scripsit, plus compositæ orationis, quam spiritus habent.* Legi ea, & cum olim inter auditores ejus censeri gauderem, & postquam civilibus officiis negotiisque non perfunctorie sum adhibitus. Sedprehendisse me periculum, in qua plus verborum, quam rerum esset, mentirer cum Schurzleischio, si dicerem. Sed heros noster *Spiritum* desiderat, non intelligo, quid velit; ne suspicor quidem; nisi spiritum vertiginis, quo agitari sine intervallo se sentit, hic frustra quæsit. Nimis autem magnum mihi desiderium iniecit, videndi propediem, *commentarios Schurzleischii in Tacitum plus spiritus, quam compositæ orationis habentes*, ne mundus frustretur (specimine ejus formæ, quam novus artifex animo concepit. Estne & illud crimen, quod Forstnero se fatetur inferiorem Bæclerus? o probum crimen. Tam, viro bono & prudendi stultum videtur se alteri præponere, quam injuriosum esset, cum malis & stultis in comparationem eum adduci. Omnis humanitatis expertus est, qui in scirpo nodum quæritat, & pro crimine iterum habet, *Mensuram Forstnerianam non implevisse.* Nam hic iudex, furore plusquam Apollineo concitatus, *mensuram ingeniorum, prudentiæ, studiorum*, satis pro imperio dispensat. Et tamen perspicax Minerva, quæ cerebellum iudicis Parnassici insedit, in aurem, vicino flexu insusurravit hanc sapientiam. Mercurius etiam præterea, mendaciorum venditori Schurzleischio in aurem dixit; *Bæclerum sæpe in rebus morum frigide scribere, definire controversias juris naturalis & gentium perplexe, decidere dubitanter.* Orator est ex iudice, qui Mercurii personam sumit, ut animadverto; ita confestim & uno impetu cogit suas calumnias in aciem. Brevis tamen & compendiosus. Multa possunt dici uno spiritu: quæ probari aut ostendi

molesum, nec eo, cui sufficit dicere, ego dico, satis dignum esset. Adde, quod expeditissima hæc est ratio, de omnibus judicandi, omnes contemnendi, omnibus se præponendi; si dicuntur, quæcunque in infamem buccam veniunt, nihil probatur. Quasi si quis diceret, Zieglerus, de quo tamen bene sentiunt, quibus calumniator eum ut caput Medusæ obvertit; fecit hoc & hoc; scripsit ita vel ita. Securuse enim ex arte Schurzfleischiana esset, qui ex rumore & libidine animi quævis diceret, nihil probaret. Sed jam asinus concire intendit asinorum gregem, ut quo numerosior est malitia, eo munitior sit. Tales enim se auricularum motu produnt, quos *familiares Bæcleri* narrat, imo fingit impostor. Similes hic habent labra laetæ, si usquam. Hi retulerunt: *Bæclerum magis ex commentarijs, quam ex ingenio sapere.* O Arcadica pecora! nam qui in scriptis Bæcleri non videt ingenium, ille nec habet ingenium, nec omnino, quid sit ingenium, novit. Nemo ex familiaribus Bæcleri ita desipit, quin sciat, talia narrantes aut credentes, & ex ingenio & ex commentarijs, more Schurzfleischico (venia sit turpitudini verbi) desipere. Est genus quoddam hominum, qui diutius in quibusdam Academicis versati, & nescio quo vento in sublime lati, antequam ullius scientiæ gustum percepissent, multo minus morum rusticitatem & absurditatem ulla ex parte exuissent, mox novitiorum auribus arrepentes, de subito celum attingunt vertice, & tumore suarum sibi persuasionum magis instantur, quam rana, quæ tumpi, quam magnum animal non imitari maluit. cum illo maligno tumore plerumque jungitur phrenesis, & ex hac mania, & ex mania furor, omnes homines natos calumniari certus & pertinax, inprimis Academicos doctores, quibus non sine causa infesti sunt: quod statim ut eos aspexerunt, se superiores esse, sive in speculo Philosophico viderunt, sive in Parnasso stygio somniarunt, seque Apollinis, Minervæ, Mercurij fratres & Secretarios esse delirarunt, illa sine nomine omnium nominum probra & dedecora. Non est brevis pagina, hanc Academicatum pestem describere. Manebit sua Nemesis eos, qui infamiam seculi & omnium bonorum injurias, fovendis his prodigijs accumulavit. Schurzfleischium certe inter hos coryphæum esse, vix quisquam dubitabit. Cujus narratores (sive narratorum fictor) pergunt: *Bæclerum præsentia quoque, laudes & famam longo tempore collectam plus semel minuisse.* Obscura calunnia; quam non intelligo. Et si quis interrogaret, ubi & quomodo? responderi utique audiremus: à regulis methodi Schurzfleischicæ, quas mox novus scholarum rector, dictatorio more promulgare decrevit, dissidere tales interrogationes. nihil enim probare, omnia decernere, dictatorium esse. Si tamen Apollo & hoc casum formare permitteret, quod Glossa assidue, non tamen semper æque feliciter facit, puto hunc esse casum: Vivebat in Aula Ducis Florentini vir doctissimus, & Magno Principi suo inprimis charus, M. quem & ipse



visu audituque venerabilem cognovi, nec ullius boni sanive hominis dissensum circa laudes meritas unquam percepi. Sed adventabat homo, ab elegantia & doctrina proscriptus exul, utriusque tamen nomina, sicut larvam vultus, obduci posse ratus, qui, me admonente ad salutationem tanti viri admissus est. Stetit & obstrupuit; non admiratione, quæ doctis tantum convenit; sed ut sibi videbatur, contemptu. Non enim fastum, non supercilium, non inania, sed ingenuam optimarumque rerum conscientiam innutritam mentem fortuna ipsi obtulerat. Nec sefellit vanitas hominis, melioribus assuetus viriaures. Sermones miscere volebat, sed adeo ab omni sanatione, abhorrentes, ut posset peregrinus ille peregrinator de Apolline Florentino vere queri:

*Ille nihil, nec me querentem vana moratur.*

Cum exiremus Bibliotheca, ille elegantissimus comes meus objurgatorio vultu, quid mihi tantopere laudabas, inquit, hunc virum; qui nihil sapit, nihil splendet, nihil declamat? Respondebam: ego gratulor mihi de notitia tanti viri; & sentio cum tota Italia, Galliaque, aliisque nationibus, hunc virum esse inter insignes quoque insignem. Non sefelli Te, sed Tu te sefellisti. Sed illa in Italia acciderint, quid ad Schurzfleischium, & Schurzfleischii familiares? Cum ad hunc ibitur, tum eminebit in tribunali Critico furioso, & colubris tædisque furia tum horribilissimæ tabula pædagogicæ, inscriptum sibi, manu pueri coricæ præferet elogium, auctore *Danjele Heinso*, elegantissimo Poëta; cujus initium est:

*Inapte, vecors, impudens magistesse &c.*

Tum majusculis literis subnotatum legetur: **AUGET PRÆSENTIA FAMIAM.** *Publici & alieni negotijs se immiscuisse Bæclerum*, tam est falsum, quam verissimum, Schurzfleischium ex mera & infami πολυπραγμοσύνη aliena attrectare, & tum Principibus maximis, tum eorum ministris injuriam facere. Nescit igitur imposterum Principes, se Furorem Criticum Schurzfleischij effugere non posse, quo minus adhibuisse dicantur suis negotiis homines *inimicorum versatores*. nam hæc inquisitio ad rectorem Corbacensem spectat. De cætero primum est omnibus cognoscere maximam hominis impudentissimi imperitiam. Semper in furioso Parnasso, etiam hæc, furiosè somniat: Bæclerum, nulla suscepti rite muneris, nulla mandati Principalis religione adactum, sed sponte & temere, ardellionatu Schurzfleischico, *publici negotijs se*, ut lycophanta loquitur, *immiscuisse*. Somniat iterum seu delirat: *Bæclerum jus faciendi homines proprios defendisse: & librum, quo hoc fecerit*, in margine annotat. Ecquid pudet eos (si qui sunt, quod dubito) talis impudentiæ, qui calumniatori patrocinium præstent: cum ea mentitur, quæ contrario se modo habere, notum publice omnibus confessumque est? An is, qui Principis sui mandatu, non id, quod mendax

somniator per crassissimam ignorantiam fingit, sed quod in causâ erat, scribit, meretur aut mereri potest *Politicorum* (nisi illi ex Patnaſſo infami intelligentur) odium? An apud *repurgare religioni additos offensa constans maxima*, si quis jus faciendi homines proprios defendit? Salva res est. nihil hoc ad Bœclerum; qui ex hoc argumento gratiam sibi promittere potest & debet, eorum, quos in se irritasse dicitur. Si enim religioni repurgare repugnat, jus homines proprios faciendi defendere, Bœclerus in parte oppugnantium illud jus, ex imposito sibi, more ritumque solenni, officio sterit. O vipera! itane disputationes de hominibus propriis, non privato cujusquam ausu, sed necessitate & autoritate publica susceptas, in Albipolitano secessu, religioni huic aut illi ex libidine licentium addicuntur? Et Schurzſleiſchius, post reges maximos, in furioso Tribunali novus iudex sedet, novum Laudum promulgat? Hercules Tuam fidem! Pœnitentiam nemo Arbitrorum indixerit huic aut illi parti. Sed Schurzſleiſchius, quem suæ infamiz adeo non pœnitet, ut ipsâ infamiâ deletari decreverit, sperat eos, qui nihil eorum, quæ Nebuloni in argumentum somnij venerunt, in animum admiserunt, in posterum cautiore fore, & aliis aliena relicturos. Singula verba, singula deliria: de quibus dictum. Bœclerus hoc monitore eguit! monitore sycophantâ; qui & veniam (si qua peti debet à Critico Furente) desperari jubet; terribili arcano prolato: *sed factum non possunt reddi infecta*. Ita profecto est: Schurzſleiſchius publicè infamem sycophantam egit. Nollent hoc factum, quicunque publicam honestatem amant. Sed facta infecta reddi non possunt. De *Argentinenſibus certaminibus* quid deliret Schurzſleiſchius vester, quæſo attendite, qui exemplum intelligitis. Quæ in extremo Germaniz limide pridem sepulta sunt, in secessu Albipolitano, nulla publici privatique juris reverentia, vespilloni Schurzſleiſchio refodere licet. Quantâ *καταπραΐσις* venit nequitia! Attendite iterum, quid de *equalibus & superioribus* iudex Aſinus decernat. Viri boni & docti, optant non modo æquales sed superiores habere quam plurimos. Sed, ô infamis Parnasse, tu de his rebus iudicem facis Midam? Schurzſleiſchius est, qui merita & fata doctis partiatur? quo suo merito? quia rerum hominumque, præsertim in quos iudicium sibi sumit, ignarissimus, stultissime comparandi artificium novum & inauditum proficitur. Ita Bœcleri & Ziegleri omniumq̃, ut ait, *annotatorum* in Grotium scripta sunt scilicet ejusdem instituti, ejusdem generis? nullum habet iudicium, qui ita iudicat. Ziegleri vicem doleas, si illum hujus iudicis & laudatoris non pudet pigetque. Nemo ejus meritis quicquam detractum cupit: laudanturque à nonnullis Theologica illa, quæ ad librum primum persecutus est. Sicut nec



nec reliqua huius libri displicent : audiui tamen viros non indoctos ita existimantes ; utra non magnum dierum numerum , posse tales in Grotium Notas procudi . Sed per nos sit quantuscunque velit : qui neminis gloriæ invidemus , & in huius viri laudibus non parci unquam fuimus . An autem ad eas augendas pertineat , si Schurzfleischii injuriosa in tot præclaros viros malitia sub umbra ejus latere vulgo dicatur , nostri nolumus esse judicii . Dies loquatur pro hominibus . De *Baclero irrisando* , non est quod somniet Schurzfleischius . an nebulones insaniant , parum ille putabit ad se pertinere . & male consultum esset studiis , si Schurzfleischius mereretur ab ipso refutari . Erunt qui hoc faciant , ipso ne manum quidem vertente .

Monzambano etiam blanditur infame caput . Causas igitur satis *In Mon-*  
magnas habet ille , ut gratias agat Futuri Critico , quod non plura desiderave- *zambano.*  
rit in ejus scripto , *disertam etiam sine judicio prudentiam* laudaverit . & cul-  
pam *Saxonica* laudum neglecta , & *exprobratarum rerum* , quas non intelligit , ex-  
piare tandem discat , submitrendo le subserulam Schurzfleischii , à quo sape-  
re discat , & à *Satyra abstineret* : quam soli ex rectori Corbaciensi scribere  
licet , infano Apolline decernente , Minerva & Musis cerebrinis map-  
pam mittentibus . *Controversiam de forma Imperij* , post Monzambani &  
aliosum infelices conatus , Parnassus infamis Schurzfleischio deciden-  
dam commisit , qui solus tantæ rei par est , *formulas ex schola* , præcepti  
insolentia neglectas , sapientia ex asse cum suo ingenio congruente sup-  
pleturus : Simul *Schoeckium* parum clementer castigaturus , ut & *Scripto-*  
*rem Eleutheropolitanum* : illum impulsurum , informem , & propter ariditatem  
*sediosum lectum* ; & *Scholam olentem & lacunas* . prodigium sapientię ! Sunt-  
ne in cecessu Albipolitano , qui ita judicant , & nondum de Anticyris ad-  
eundis cogitant ? Etiam nuper in concilio Legatorum , & virosum illu-  
strum : qui tam præclare de Scriptore Eleutheropolitano sentiebant &  
loquebantur , quam turpiter hic Midas , ingeniosum & auriculatum ca-  
put , confitatur . Hercules Tuam fidem ! expergiscere ; & decimum  
tertium Tibi laborem venisse , animadverte . *Pacificum à Lapide* cum *Hippo-*  
*lito à Lapide* confundi , & descriptores hujus notari , absque exemplis &  
testibus , mirum esset , nisi usitatum in Parnasso infami .

*Burgoldensis* , quia iterabit mox editionem suarum curarum , respon- *In Bur-*  
dendi occasionem habebit , si tanti putabit : & forte de ambitione sua *Wür- gold,*  
*zenbergica* . *Forsstnerum* alterum referendū , aut in *Aula Ducali* summum gradum ,  
dejectis quos Serenissimus Princeps hæcenus eo nomine coli voluit , *affe-*  
*ctum*

*Handi*, aliquid narrabit. Haecenus enim Stutgardia, & Mombelgardia adeo hæc ignorata fuerunt, ut ne tenuis quidem famæ aura emanaverit; donec omnia ex infami Parnasso in mundum evolavere. In quibus demum & illud patuit: *Vusendorfium Holmianum nuper accitum esse.*

In Cyria.  
Lentul.

Cyriacum Lentulum, ut audios non tacebit. Quanquam nescio an vit bonus & doctus intelligat satis illa mysteria *εὐρυπλινὰ* de *Forstnero*, *Berneggero*, *Zieglero*, *Labbae*, *Thales*, *Gronovio*, *Hornio*, & quidem in  *censura Patrum*. Quæ cur huc illata sint, nemini licet harioari, nisi qui in Parnasso infami somniaverit. Vellentamen Cyriacum laudare, nisi statim ut melior cogitatio animum subit, penitidine ductus ad ingenium rediret. Sed quid de *Berneggero* insanit Criticus Furens? quos *centiones* memorat? quid de scriptis *Berneggeri* legit? Arcanum Parnassi Schurzfleischici hic eliminandum est: de plerisque magnorum virorum scriptis, quos convitiatur, nihil omnino ita legit, ut intelligeret; paucissima vacillanti & cæcæcipienti per futorem oculo percipit: & tamen indicat, censet, pronuntiat, Parnassi sententias consignat. Itane Parnasso infami *Berneggerum* cum *Astero* (junguntur jam gryphes equis) *deridendus* videtur, & quidem *propter iniquam Pacu Pragensis censuram*, rerumq; imperij *imperialian*. O' nebulonem Schurzfleischium! Tantisper enim hoc nomine signandus veniet, donec edisserat apud Apollinis sani tribunal, ubi extet illa *Berneggeri iniqua Pacu Pragensis censura*. Nam quibus *Berneggeriana* scripta notissima sunt, se fatentur ignorare. Nisi forte in Parnasso infami extat speculum Magicum, exhibens formas, literas, sententias, quæ neminis hominis conspectum aut animum subierunt. Etnunc tempuserat puto de *Pacu Pragensi* disserendi. Hercules Tuam fidem! An Albipolitano secessui hoc negotium datum est? Iterum testor' vestram fidem, quicunq; illis locis ullam divini humanive juris intelligentiam habetis aut amatis; estne *Berneggeri* nomen, post merita quibus literatus orbis superbire consensu solet, dignum, quod tali tempore, tali loco, à tali sycophanta ludibrio habeatur? an *Schurzfleischij* Midæ, à communi sensu, & omnis publicæ rei ipsiusque *Berneggeri* notitia alienatum caput, tam horribiliter sapit, ut *Berneggero rerum Imperialian* obicere debeat?

In Rachel.

Pareite mirari, qui seculum prodigiis currere, non cogitatis. Etiam nondum *visa*, nondum *nata scripta* damnat canis ille. Sicut in *Rachelio* ipsiq; que in *Glorium* meditata à *habes*, fieri, omnes vident. Non sufficit rabido calumniatori, eum *propter laudatum Bæclerum* *nausæa* dignum decernere; & quasi *authoritate* potius quam *ratione* velles *niri*, de eo e mentiri; nisi omnem ei doctæ scribendi facultatem abjudicaret, ducesq; ei affingeret, parum *fidus*, *incipites* *multos*, *cacos*. Veritus profecto est, ne non pro stulto haberetur, dum virum tanta ingenij & eruditionis vi præditum; quem eo nomine nemo bonus & doctus hæcenus non laudavi, & æstimavi, putavit ab eo in periculum

sum famæ adduci posse, qui ab omnibus pro sycophanta indocto, nasutulo & temerario & habitus est ad hoc temporis, & habebitur imposterum. Schurzfleischius tenebriis, pædagogico furore tumultuans, contra *Rachelium* *In Mar-*  
ponetur, amicum veris Musis & familiare Apollini nomen; Marfyas contra *rin.*  
ipsum Apollinem? Possuntne reperiri tam lepida capita, quæ hunc ardellio-  
nem, nullius sanæ aut bonæ rectæque artis gnarum, judicem & censorem  
faciant virorum præstantissimorum, & à vanitate barbari moris imperitiæq;  
Schurzfleischicæ alienissimorum? In quibus *Martinij* nomen sine contro-  
versia ponendum est. rumpantur ut ilia momo: cui nondum viret! (quanta  
impudentia.) *nondum Latinus.* Schurzfleischius Martinum *eloquentia vul-*  
*garis mensura* taxabit? Schurzfleischius, inquam, cujus infames chartæ  
merum ras, aut si mavult, scholæ infectioris tricas ineptiasque olent, si  
cum Martinij studiis confesantur.

Mirum interim, quod *Pufendorfio*, Modè imperator Parnassicus, partem *In Pufen-*  
loca eruditis, & sive extollere, sive deprimere certus, eum præposuit. Ne *dorf.*  
placeat sibi tamen Pufendorfius hoc encomiale; mox *plagij insinuat* ut  
tra ambages: nam quod ex *Scania in Vplandiam translocatur* arbitrio mero  
domini Rectoris, parum interest. An ipse cum hoc moro potius sen-  
tiant, quam cum cæteris viris doctis *Elementa* sua juridica *Dissertationibus* suis  
longe anteferat, qui propiores sunt, resciscent. Sententiosus est interim  
Criticus infans in Pufendorfo: *satis laudatum esse, qui Regum Principumq;*  
*favore sit subnixus.* Sed quis à deliro expectet constantiam? Hoc decre-  
tum suum turpiter ipse invertit. Nihil hoc Berneggetum, nihil Bœclerum  
juvit, a quo Rhadamanthum furiosum. Quo majora sunt patrocinia Prin-  
cipum omni mundo venerabilium, quæ arcere hominum non plane insano-  
rum insultus poterant, eo magis debacchari & contra tendere nifus est. Neq;  
enim Jupiter armigerum suum à fœda scarabæi injuriâ defendere potuit.

*Sprenger*i diligentia, pro se ipsa dicet testimonium: & censorem suum in-  
fra vulgi infimi fœces detruet, ne diutius in Parnasso sibi somniare videatur. *In Spren-*  
Viveres vero doctissimi *Horni*: in cujus funere tantum jacturæ Musæ fece-  
runt, quantum infamiae Parnassus in secessu, Schurzfleischij flagitijs adiit. *ger.*  
nunc tumulum tuum rabiosos canes permingere, non feret, fat Scio, ami-  
corum pietas. Alic magna & recta ingenta Dania, altera Tibi Patria; quæ non  
obliviscuntur Tuorum meritorum, eaque à monsterorum sævitia vindicabunt. *In To.*  
*Frid.*  
*Horn.*

At Te, *Jacobe Le Bleu*, nunquam sine laude à viris maximis audiui no-  
minari. Neque ipsa calumnia, quæ ut turpius loqueretur, Schurzfleischij *In Jacob.*  
ore loqui voluit, negare potuit, quin *jea esset lingua exteris imbutum, ut non*  
*posset melius quis exterius* (nam hæc verba cum magna superstitione arcanae  
elegantiae retineri debent) & tamen animal non aliter, quam pediculus in  
chartâ solet, peregrinatum, optat imo jubet, *versus à To paulo Italica & Gal-*  
*lica.*

*hica Latina reddi.* Nondum erubescitis, secessus Albipolitani incolæ, acco-  
læ? Si non vestra, profecto aliorum non interest.

*In Georg.  
Horn.*

Ad Georgium Hornium venit totus Parnassus, in cerebro aut calcaneo  
Schurzfleischii coactus; sed sub titulo: *Judicium Parnassii*, de quo? de  
phrenetico, quis narrat? phreneticorum alpha, Schurzfleischius. Sa-  
tis ne excusatus est Hornius? ita videtur, ð tempora, ð flagitia!

*In Spener.*

Inter viros optimos doctissimosque qui *Spenerum* non reponit, is  
nec virtutis, nec doctrinæ umbram habet. Sed, quid Criticus Furens de  
hoc Germaniæ ornameto? τῶν πολυπραγµόνων sceleratissimus, πολυπραγ-  
µόνους & ipsum, & ne tanta res in solitudine gereretur, *Wagnerum*, gran-  
de & laudatum nomen, arcessit. Tunc qui ne nomen quidem judicij intel-  
ligis, & non nisi per somnium fatuum, aut furorem maniacum judicare seu  
delirare potes, ἀκρίβειαν hujus virgaccusæ? & nauseas? sicut desperati sto-  
machi ad optimos cibos? Nondum satis est. *Ius Speneri Heraldicum Gal-  
lica sagacitati aut risum movet, aut bilem.* Tirestias loquitur, audite. *Ius  
Heraldicum* (notate pueri diligenter omnia verba) quod nondum prodiit,  
Pseudomantes judicat, ex diabolica haud dubie præscientiâ, & damnat.  
Sed quid est tandem, Tirestia, quod *Gallus risum & bilem* res valde diversas  
*movere* queat? Suntne Galli alieni ab his studiis? nemo magis in iis ela-  
boravit. Ridebunt & indignabuntur sua ipsi inventa? Quis hoc credat,  
qui Gallos, qui Gallorum solertiam, qui candorem noverit? de his ergo  
ut securus sit Spenerus, admonendus est. Habet propiorem adversari-  
um Schurzfleischium, hic est, qui gratiam Spenero referre cupit, ob In-  
signia Serenissima Domus Saxonica nec inerudite nec vulgariter explicata.  
Ægre tulit Tribunalis furiosi infessor, quod causâ ad aulas Serenissimo-  
rum Principum pertinens, non est ad Pædagogicum judicium remissa, hinc  
illæ lachrimæ seu furæ.

*In Pop-  
ping &  
Heromont.*

Non mirari debet post hæc vel *Poppingius* vel *Heromontanus*, magis  
tamen hic, quam ille, quod vix imo ne quidem visa damnantur. 'Cen-  
sorium hoc tribunal, quod ab initio *Satyricum* dixerat, neque modum neque  
terminos novit. Placet Nebuloni sua nequitia: neque desistet, donec  
Apollo Furiosus, & Mercurius Nequam, & Musæ Fatuæ, & Minerva  
Cerebrina cum Parnasso infami pessum iverint. Aut his monstris,  
aut honestati publicæ pessum eundum est. Hercules Tuam fidem! Si es,  
quod esse semper voluisti, cogita, nuspiam justius rectiusque monstra do-  
mari, quam si viris bonis doctisque adversus nefarios sycophantas, & pæ-  
dagogicum furorem, jus dicatur: omni meliori modo &c.

## EPISTOLA II.

*Ex Gallico Latine conversa ab ipso auctore.*

**P**ollicitus Tibi nuper sum, *Nobilissime Domine*, me, ubi plus otii nactus essem, de *judiciis ex Parnasso Sarchmasiano* non ita pridem in publicum spartis, meam Tibi sententiam paulo prolixius perscripturum. Jamque calamus sumscram, & fidem Tibi datam repræsentarem; cum reddite mihi sunt literæ Tux, quibus denuo promissum urges, & simul quo loco Ipse scriptum tam perniciosi exempli collocandum habendumque censeas, usitato Tibi candore declaras: Itaque Tuo partim invitatus hortatu, qui mihi loco mandati colitur; partim provocatus exemplo, quod venerari nunquam desinam; partim confirmatus judicio, cujus apud me maxima semper auctoritas erit; minus dubitari hoc institutum ingredi: in quo, si non eruditione, attamen obsequii & reciproci officii promptitudine expectationi Tux essem satisfacturus.

Et de *Auctore horum judiciorum* quæ scribis, ea pleramque partem licuit ex ipso vere famoso libello colligere: atque, tanquam ex spuma & dente, rabiosum canem deprehendere. Licet enim nomen suum tam infelici deflexu occultet, ut, qui non noverunt hominem, facilius *lanionem* aliquem aut *carnificem*, quam *Schnurz fleischium* sub *Sarchmasio* latere, sint suspicaturi: De cætero tamen omnes pene syllabæ, manifesto descriptum à Te magistellum produnt. Tam aperte is in scripto suo passim ostendit, se facere id, quod Phreneticis in usu est, & furorem ex dolore amissi officii contractum, assidua recordatione pristinae dignitatis vel alere, vel solari. Dum pro Sceptro Scholastico, quod in *Corbaciensi Gymnasio* parum feliciter eum tractasse refert, novos ubique fasces somniat, nova sibi tribunalia erigit, ut ad ea doctissimos quosque viros tanquam puerorum gregem coeret, & ibi censoria virgula, quam præclarus artifex in discipulorum terga expedire didicerat, ignominiose notaret, Ne quid ipsi scilicet ex antea acto vitæ consuetudine periret. Atque cum hac insania tamen tam impudens est, ut non vereatur subinde, flagitium proficitur tam turpiter alienæ famæ attenuare, obtegere calumnias, colorare convitia, quibus totæ scatent ejus paginæ, sceleris auctoritatem, patrocinium

nequitiz parare atque prætere. Virotum omni politioris eruditionis gloria conspicuorum laudes venenato dente arrodere; ipsorum vitam & scripta, per omne opprobrii genus, quod quidem ex literatum tractatione quaeri potest, publice traducere, totus ipsi scopus, totum artificium est. Et inter hæc tamen levem se odisse, clamat, *detectari injuriam, abominari calumnias*; quasi æque facili negotio abscondi crimina possent, & perpetuari. *Sindium veritatis, liberalis judicii curam, modestiam* denique simulat; sed ut mentiendi libidini, maledicendi pruritu, insolentiz, impudentiz frenos laxet. In bene meritorum & innocentium infamiam, sine testibus, sine indicibus certis, varia crimina confingit, & spargit in publicum; atque *hæc facere* quaerit, *qua lex prohibeat, quæ ratio vetet*? Ipsum tandem *Parnassum* improbitatis suæ asylum facit, & in sapientiz omnisque sanctioris disciplinæ domicilio, in alitiz suæ diverticulum, receptaculum sceleribus, improbitati latebram quaerit. Quæ ex re plusquam meritis esse omnium Musarum reprehensionem incutere, si hoc ageret tam augustus confessus, ut ad quorumvis Magistellorum vesaniam turbaretur; quorum deliria potissimum hæc inciscitur pœna, quod ea infra suam reprehensionem arbitrat. Eadem opinor mens erit *Conringio, Bæclero*, & in quos de cætero suam rabiem iste canis evomit. Qui manum ob id non verterint, an ab hoc nequam, cui solalibido est male loqui, vituperium ferant, vel laudem. Præterquam enim, quod in famoso libello satius est, adverso, quam propitio sycophantæ judicio notari: Iste agryta in super suas reprehensiones tam apertis mendaciis calumniæ manifestas facit, elogia vero sua, tam perversâ laudandi ratione corrumpit; ut nemo apud cordatiores, vel ab illis, famæ suæ periculum metuere debeat, vel ab his aliud possit quam opprobrium expectare. Quæ enim unquam honesta, vel ingenua mens non indigne tulit, cum detrimento alienæ existimationis inclarescere? & hoc tamen præcipuum est, quod noster censor toto scripto facit; ut iniquissimis, & sæpe plusquam ineptis comparationibus, maximos viros, sed in diversis studiorum generibus nobilitatos, unum ad alterius probum celebret. Specimina hujus rei ante omnium oculis exposita sunt. Sed si tamen sub exemplo maxime conspicuo loquendum est; quid hæc comparatione indignius, quæ meritissimas *Forstneri* laudes, neminique magis, quam *Bæclero* celebratis, tam improbe cavillatur, ut in *Bæcleri* contemptum detorqueat. Si quætas, quo consilio, quæve auctoritate? tam impudens est, ut ipsum denuo *Bæclerum*, contra quem tamen inprimis istæ machinæ dirigebantur, audeat pro suis partibus nominare; utpote qui tali judicandi modo ipse in *Museo* exemplum fecerit; dum *plus uni Grotio, quam omnibus Salmasio; plus uni Forstnero, quam omnibus Græuteris Lipsique* videnti.



*vindicat*. Inducor prorsus hoc tam insolenti mendacæ, nequissimi Magistrelli, ut credam eum altioribus prorsus & peculiaribus furiis agitatum; contra *Bæclerum* insurrexisse, in quo censendo præ cæca maledicendi rabie adeo non mentem tantum sed oculos amisit. Et si enim in *Museo* legisset, quod verigine abreptus legisse se nuspiam scriptum fingit; An non satis aperte *Bæclerus* aliquoties publice testatus & professus est non sua, sed aliorum judicia, in *Museo* consignari? Quod factum esse, si ignorat censor, stupidus est; si sciens dissimulat, perversus; si, quod vero similis videtur, perversitatem cum stupore miscuit, monstrum. Et certe mox clarius hujus mixturæ specimen præbet; dum in æstimanda *Bæcleri in Grotium commentatione*, & extollendis *Zieglerianis* in idem opus *notis*, nihil invenire potuit, quod *Ziegleri* laudibus adderet, nisi prius id *Bæclero* detraxisset. Ridiculus adulator! putavit hinc *Zieglerianis notis* pretium fore, si constaret, illas non posse cum *Bæcleri* curis contendere; quam si *Bæclero* prius adimatur, quicquid ejus institutum & laborem, ipsius maledicentiæ confessione, supra ceteros in *Grotium* commentatores evehit. Hinc excludendum fuit ab eo *studium antiquitatis, elegantia styli, peritia historiæ*. Quo exemplo inductus, si in *Zieglero* quoque *æ nervosa scribenda brevitæ, & insigni divinarum humanarumque rerum notitia* recessisset, procul dubio hic etiam, non ad *Bæclerianam* mensuram, sed ad turbam recideret, notisque suis à tam turpi præconio, tanquam ab asini buccina, frustra licitatores expectaret. Eidem farinæ sunt, non reliquæ tantum importunissimæ comparationes virorum dissimilimis studiis operatorum, sed insuper illa monstra judiciorum, quibus non tam de aliorum scriptis judicat, quam suam in judicando barbariem manifestat: dum exactos ad stolidissimam cerebri sui normam viros eruditos, exinde secure damnat. *Conringium* ipsi *νολοντες* *μυον* est: quis miretur? æstimaverat quippe *Conringium* *Lindium* magister ex ingenii sui angustis, quarum ambitus, præter exiguam scholasticarum nugarum supellectilem, nihil amplectitur. Itaque, cum ad cerebrum *Sarckmæ* omnis scientia res esset non magis pertinens, quam ad asinum lyra, *Conringium* quoque ab eruditionis reliquæ tractatu, tanquam à re nihil ad eum pertinente, putavit Legibus coercendum. In *Bæcleri curis ad Tacitum*, spiritum desiderat: prorsus ad magistrelli genium congrue: quem enim spiritum nuspiam deprehenderet, sine mente, sine judicio, sine spiritu stipes? *Alibi* frigiditatem in rebus; *alibi* ariditatem in dictione damnat: quid enim utcumque summo, tanto tamen calore adeo pertinaciter incalefceret, ut non ad frigidissimas nives tam febriculosi judicii totum congeleretur? Quid nares scholastico pulvere atque fœtore oppletæ aliud ubicunque olfacerent, quam scholam & lacu-

nus? *Alibi* honestam & animis & famæ curam pro ambitione traducit, solidioris scientiæ laudabilem tenacitatem pro superstitione exagitat: quoniam ipse gloriam putaverat, inter asinorum greges, tanquam ignavam & excors pecus, superstitem famæ suæ vitam agere. *Alibi* denique passim furorem, quem ipse intra sua præcordia conceperat, aliis imputat: ut palam fieret, eum jam ad ultimum insanæ gradum perductum, in imaginatione prodigiali sibi ipsi occurrere, & quicquid ipse delirat, ejus sibi in aliis speciem obijcere. Hinc *Tabori* & *Malcomesio* meliorem precatur mentem, qua caret ipse: *Schoockio* contractam ex morbo infirmitatem ingenii objicit, ipse valido corpore insapiens: *Hornii* phrenesin veretur, ipse ut rabiosus non esse tantum, sed haberetur, summis viribus annixus. Quod non eò scribo, ut culpam tanquam absque ratione factum: quis unquam enim ab insano rationem requisivit? Sed ut origo constet furiosæ impudentiæ, qua censor iste nequam in ea facinora, ob quæ alios criminatur, non veretur primus exemplo suo ruere. Vix *Contingio* voluptuositatem impegerat, & in legem aliis dictam statim sine fronte delinquit, dum se litis alienæ non rogatus participem facit, & voluntarius judex lectus ipse à se, alterâ tantum, imo si quid conjicio, neutra parte auditâ, contra *Contingium* sententiam pronuntiat. *Bæclerum* humanæ conditionis admonet, cum ipse calumniandi rabie pridem hominem exuisset. Invehitur in plagiariorum mores; & ipse interim ex *Schoockio*, *Scriptore Eleutheropolitano*, *Pacifico à Lapide*, quorum plerisque modo acerbissime carpserat, totum de *Monzambano* judicium secure describit. *Monzambano* Ipsi *Satyram*, temerarium consilium, precipitatum judicium vitio vertit, in quibus rebus ipse nomen quærit & famam. *Burgoldensem* audacia, intempestiva scribendi libertas, detestatoria animadversio, dotium sibi ipsi propriarum, insinuat: & ipse interim summe temerarium audaciæ exemplum designat, quo non *Burgoldensis* tantum, sed *Hornio*, & aliis passim, in suo cerebro fata vitæque rationem præscribit, & ad suam libidinem illorum vota vel adstringit, vel exagitat. *Lentulum* docere instituit, quæ Theologi, quæ Politici munia sint, cum ipse, famosi libelli author, declaret, se non à Theologitantum & Politici, sed ab omni honesti viri officio dudum degenerasse. *Rachelum* infirmi judicii, & in *Tacito* versati parum hominis argumentum præbuisse, calumniatur, quod *Ciceronem Tacito* anteposisset: & eadem opera ipse doctis argumentum præbet, non infirmi, sed nullius judicii, & nec in *Cicerone*, nec in *Tacito* ullatenus versati stipitis, quoddam in iis *Ciceroni Tacitum* anteponebat, ad quorum usum *Ciceronem Rachelius* adeo eminenter commendaverat. A quo stupore vix respiravit, cum ad notandos ævi & juventutis corruptæ mores, tam alto supercilio accingitur, ut *Catonem* tecum loqui diceret, non

Schurz-



*Schurzfleischum*: nisi hoc tam apertò perversæ indolis pignore ostendisset, si-  
bi semper inde ab infantia propositum fuisse, non *ad controversiam*, sed ad infe-  
licissimas artes calumniandi *propertare*: non *ineptias discere*; sed confingendis &  
disseminandis mendaciis ingenium atque industriam exercere: *literarum huma-  
norum non spernere, non negligere*; sed convitiis, furore, rabie, ipsis denique, quod  
gravissimum est, vitæ suæ probis insectari. Hinc *Martinum, inficetum in Tri-  
gordia comicus*, cavillatur, in *refutando scripto Gallico*, *Gallica lingua peritiam ja-  
ctasse*; & ipse non veretur alibi, versiones ex Gallico & Italico idiomate fa-  
ctas, censurâ suâ damnare: Dignus, qui *de ubertate Italica & suavitate Roma-  
na*, forte non Italica, judicium ferat, si Italicz linguæ rudis est; sin peritus,  
quin prospicit, ne Italus Pseudogermanum expellat aut excutiat. *Puffendor-  
fium Regum & Principum favore subnixum* latetur, & ob id satis laudatum; &  
tamen cum non cunctatur turpissimo plagii crimine infamare: quod eo minus  
mirum est, quoniam jam antea palam fecerat, quam Imperatorii, Regii, Prin-  
cipalis favoris rationem haberet, quando *Bælerum, Conringium & alios* eo fa-  
vore subnixos, non passus tamen est, tam illustri præsidio à moribus suis, *canis  
virulentus*, tutos esse. Hoc tam infame institutum deinceps quoque tot tam-  
que manifesto probrosis exemplis persequitur, ut & Tuo, *NOBILISSIME  
DOMINE*, & meo simul otio videri possim abuti, si diutius iis recensendis  
insisterem. Et insuper, quanquam in hoc insolentiz genere stolidi perversitas  
maledici calumniatoris non habeat, quo crescat amplius; longe tamen ab e-  
jus in mentiendo impudentia, & infamandi per mendacia doctorum virorum  
scripta vitamque libidine vincitur. Dummodo impudenter effuriat, quæ mali-  
tiose confinxit, jam existimationis suæ securus est; de qua cum nihil haberet,  
quod perderet, omnia se putavit sine famæ detrimento facere posse. Legat  
quis illa solum mendacia quibus aggressus est *Bæleri* famam lacerare, tam cru-  
da tamque crassa, ut palpare queat, qui modo album novit à nigro discernere;  
si dissimilem à calumniatore animum gerit, facile deprehendit, quæ in cæteris,  
manifestæ fraudis convicto, fides adhibenda sit. Toto animo detestabitur ef-  
frenein audaciam lycophantz, tam fœde Lectoris oculis abuti constituentis,  
quam turpiter ipsius stupore fuerant abusi, qui se *Bæleri* familiares mentie-  
bantur. Quorum relatus illi satis est, ut contra propriam conscientiam latret:  
*Bælerum ex commentariis magis quam ingenio sapere, famamque longo tempore  
collectam plus semel presentia minuisse*. Quali styli nitor, terfa eloquentia, divina  
judicii vis, & illa tot reliquæ, tam eximie dotes, quas ne ipsum quidem os ca-  
lumniz *Bælero* detrudere ausum est, res essent, quæ pro sapientia commenta-  
riis adstricta contemni queat; nisi ab iis, qui cum censore nequam ex ingenio

simul & commentariis desipiunt: vel quæ partam illustribus meritis famam apud quenquam patiuntur præsentia minui; nisi apud similes *Schurz & fleisch* humorum captatores & venundatores, qui à viris magnis paria illorum famæ supercilia expectant: ubi externum lucum, quo ipsi consueverunt in cautiorebus imponere, non deprehendunt, argumentum sibi præbitum opinantur & jus carpendi famam eruditorum; parum sua interesse arbitrantium, quo loco, quoque pretio in ardelionum conciliis habeantur. Nec enim in alia schola, quam in agyrtarum gregibus, eruditos credere possum illos Politicos, qui cuiquam vitio vertunt, in publicis negotiis tractandis non, desertis partium suarum castris studiisque, transfugam aut prævaricatorem agisse: qui obsequia Principibus suis debita, inter aliena & aliis relinquenda numerant: qui ex eo, quod alii dextre officio suo functi sunt, vel offenduntur ipsi, vel cuiquam repurgatæ religioni addictorum offensam contractam suspicantur, in re nihil ad religionem attinente. Hi, nemine vel mirante, vel indignante, crediderint & conviciuntur vicissim, *Bæclerum negotiis publicis in quibus parum fuerit versatus; se immiscuisse*: quos satis est in conscientia summorum Principum mendacii convinci, qui licitum sibi putaverunt, non interrogatis *Parnassi Sæckmansi* suffragiis, *Bæcleri* vel operam sibi addicere vel consiliis uti. Hi sibi & aliis palpum conentur obtrudere, ut credant & persuadeant invicem, in *Vindicis Vindicatis jus propriorum hominum male defendi*: in quibus manifesto prorsus oppugnatur. Quis post hoc exemplum dubitaverit, quin idem illi sit eventurum; si consignare atque ostendere loca teneatur, quibus *Bæclerus* res morum tractet frigide, controversias juris naturalis & gentium definitas perplexe, decidat dubitanter: Quibus *Berneggerus* (cujus cineres infautus bubo sepulchro erutos lacessit) iniquæ *Pacis Pragensis* censura, rerumque Imperii imperitia se reum fecerit: Quibus *Rachelius* ambitum juris gentium in unius cerebrum cogere, & auctoritate potius quam ratione nisi voluerit: decideret impostori larva, si vagari eū discrimine alienæ existimationis prohibeatur, & adigatur certū specialiter dicere, quibus indiciis, quibus momentis, quibus testibus innixus; *Puffendorffium, Sprengerum, Hornium* plagii & compilatorū alienorum scriniorū, alios aliorum criminū postulare tanta confidentia ausus sit. At enim, quis hoc ab obtrectatore vel exigit, vel extorqueat, ut ullius candoris de se suspicionem præbeat? Non est Sycophantarum iste mos, crimen desiderare, rem ut definiant, nomine ut notent, argumento probent, teste confirment: cum nihil habeant propositi præter contumeliam. Nec maledico mendaci desiderium est, ad veritatem viam parare, sed obstruere; non auferre mendacia, sed colorare; non purgare flagitia, sed novis flagitiis velare, aliosque in so-

cietatem vel præsidium scelerum rapere. Quis retulit infami nebuloni, *Jus Heraldicum Speneri Gallicæ sagacitati aut risum movere aut bilem?* An in Gallia putat idem, quod in detestabili Parnasso suo, agi, ut opera nondum in publicum edita nefario præjudicio damnentur, sicut ipse *Racheli animadversiones in Grosium*, quarum nihil profus, & *Heromontani* librum, cujus nihil præter titulum vidit, improbissimo ausu damnavit. An non satis in Gallicum nomen injuriæ fuerat, *Autores Diarii Eruditorum* in consortium sceleris traxisse, & ab illorum exemplo authoritatem suæ libidini esse mutuatum? Quos ipsos certum est institutum suum reprobáturos, ubi viderint, iter quod innoxio proposito, cordatis subsidii, autoritate publica, ad penetrale rarioris sapientiæ aperuerant: privato ausu, sola barbarie comite, armatum audaciæ, impudentiæ galeatum hunc alienæ famæ scissarium turpi æmulatione velut latrocinio infestare. Nec enim aliter de damnato sanctissimis Legibus, & omni honestiore disciplinâ, famosi libelli conatu pronuntiari potest; quin quamdiu genuina rerum vocabula durabunt, viri cordati pro convitiis, maledictis, calumniis abominentur, quæcunque, ad lædendam injuriâ bene meritorum & innocentium famam, conficta mendacia in publicum spargentur. Quorum cum improbi magistrelli paginæ prorsus manifestæ sint; quid ab hoc monstro deinceps expectari fas sit, planum est judicare. Minatur id virulentæ linguæ venenum ulterius iis, quos resistenti ejus furori turbulenta festinatio ad tempus subduxit. Non enim potest ea natura, quæ semel pudori nuntium misit, uno scelere esse contenta: necesse est, semper aliquid ejusmodi molitur: necesse est in simili audacia furoreque versetur. Utcunque monstris impofterum ab hac vipera fetus prodierit, expectatione minor erit, quam hoc primo specimine de portentosæ malignitatis ingenio suo concitavit. Convitiatur denuo, maledicat, calumniatur, bonos contumeliis, doctos probris, innocentes criminationibus incesset: Id ego non mirabor illum nebulonem facere; quid enim aliud faciat scycophanta? Illud potius mirabor, si viri in illis locis magni connivendo pati possint, tot clara nomina virorum de literis optime meritorum, impurissimi nebulonis calamo violari. An enim non sentiunt, furentes & violentos perditos profligatique hominis impetus in ipsos quoque posse converti: à quibus quæ præsidia deinceps quenquam tutum præstabunt? postquam tam aperto exemplo proditum est, non innocentiam cuiquam, non summa merita, non testatum publice coronatorum capitum favorem, non ipsum denique mortis asylum, contra rabiosos morsus virulentæ bellæ, satis firmum munimentum præstitisse. Facile quidem emittitur, facile excipitur calumnia: sed pernicioosa exempla ple-

plerumque in eorum contumeliam erumpunt evaduntque, à quibus vel foventur, vel amantur. Tanto majore cum ignominia, quod ne immeriti quidem has vices experiri videntur, qui structas bonorum famæ insidias, si non aliare, conniventibus tamen oculis aut vana malignaque credulitate promoverunt. Quorum studia quandoquidem scio quam generosa indignatione detesteris, Vir Nobilissime, injuria Tui candoris fuerit, si Tibi hoc meum judicium verbis probare laborem: quod postulanti perscribere Tibi debui, si porro volui is esse, quem probatus inter amicos candor Tuo imposterum favori commendet. &c. Dab. Lugduni d. 10. Mart. 1669.

N. A. T.

*reverenter deditus*

O. A. S.

F I N I S.

1001 5



146

